

Soalan Lazim PRULink Asia Equity Fund (PAEF)

- **Mengapakah Prudential mengemaskinikan strategi pelaburan PRULink Asia Equity Fund (PAEF)?**
Kemas kini strategi pelaburan dana tersebut dilaksanakan supaya dapat memberi lebih nilai tambah buat pelanggan kami dalam jangka panjang. Kami percaya bahawa strategi pelaburan PAEF berupaya untuk memperkasakan pengurusan dana yang mampan di samping menawarkan potensi prestasi dana yang lebih baik.
- **Apakah yang dimaksudkan dengan kemas kini strategi pelaburan tersebut?**
Peruntukan ekuiti PAEF yang akan dikemas kini bukan sahaja disalurkan kepada Eastspring Investments (Singapore) Limited Asian Equity Fund (EIAEF) semata-mata, malah ianya dibahagikan sama rata antara dana sasaran baharu iaitu Eastspring Investments Malaysia – Asia Pasifik ex-Japan Target Return Fund (EIMY-APTR) dengan JP Morgan Asia Growth Fund (JPMAG).
- **Bagaimanakah kemas kini strategi pelaburan boleh memberi impak ke atas pelaburan sedia ada saya?**
Tiada impak ke atas pelaburan sedia ada anda. Proses kemas kini yang dilaksanakan ini mungkin boleh menyediakan potensi bagi menjana prestasi dana yang lebih baik melalui pemilihan stok dan peruntukan aset pelaburan yang fleksibel dalam jangka panjang.
- **Saya ingin mengetahui lebih lanjut tentang dana sasaran yang baharu iaitu Eastspring Investments Malaysia – Asia Pacific ex-Japan Target Return Fund (EIMY-APTR) dan JP Morgan Asia Growth Fund (JPMAG), boleh jelaskan?**
Objektif pelaburan EIMY-APTR ialah untuk menyediakan naik nilai modal dengan melabur dalam sekuriti di rantau Asia Pasifik luar Jepun. Dana tidak mengekang gaya pelaburan (sebahagian besarnya kepada Pertumbuhan & Nilai) dengan matlamat untuk mencapai pulangan sasaran sebanyak 8% setahun serta mempunyai kebolehubahan untuk menyah risiko perlindungan modal.

Objektif pelaburan JPMAG ialah mencapai naik nilai modal jangka panjang dengan melabur sekurang-kurangnya 70% dari aset bukan tunai dalam ekuiti syarikat-syarikat di negara rantau Asia dan sehingga 30% dalam sekuriti ekuiti luar Asia. Dana menerima pakai gaya kualiti dan pertumbuhan dalam pemilihan stok yang aktif.

Untuk mendapatkan maklumat lanjut tentang PAEF, anda boleh merujuk kepada Lembaran Fakta Dana Induk menerusi [Savings & Investment Funds | Prudential Malaysia](#). (Nota: Prestasi di masa lalu tidak menunjukkan prestasi masa depan dan prestasi dana tersebut tidak dijamin.)

- **Bilakah kemas kini strategi pelaburan ini akan berkuat kuasa?**
Kemas kini strategi pelaburan akan berkuat kuasa mulai 16 Julai 2022.
- **Adakah terdapat sebarang kos yang akan saya tanggung?**
Tiada kos dikenakan ke atas anda. Perlindungan insurans anda juga kekal seperti polisi sedia ada.
- **Apakah tindakan yang boleh saya ambil jika saya ingin melabur ke dalam dana selain PRULink Asia Equity Fund (PAEF)?**
Anda boleh memilih untuk sama ada menukar unit pelaburan sedia ada atau menyalurkan premium berulang daripada PAEF kepada dana lain sebagaimana yang ditawarkan oleh polisi yang berpandukan tahap toleransi risiko dan keutamaan pelaburan anda.
- **Bagaimanakah caranya untuk saya menukar unit pelaburan sedia ada dan menyalurkan premium berulang daripada PRULink Asia Equity Fund (PAEF)?**
Anda boleh menukar dan menyalurkan premium kepada dana lain sebagaimana yang ditawarkan oleh polisi yang berpandukan tahap toleransi risiko dan keutamaan pelaburan anda. Sila lengkapkan borang "Permohonan Pengeluaran, Penukaran, Penyaluran Premium atau Pembatalan Pengeluaran Berstruktur."

Soalan lain

- **Polisi saya telah luput. Bolehkah saya teruskan dengan penyaluran premium berulang/penukaran?**
Ya, boleh. Anda perlu menghidupkan polisi terlebih dahulu, kemudian barulah anda boleh melaksanakan penyaluran atau penukaran dengan sewajarnya.
- **Apakah yang akan berlaku jika Hayat Yang Diasuranskan meninggal dunia dalam tempoh 90 hari yang akan datang?**
Kami akan memproses dan menunaikan tuntutan kematian seperti yang termaktub dalam polisi berkenaan.